

Script Of Evening Gojri News Bulletin 16 March 2024 at 1700 Hrs

ایوٹننگ گو جری نیو ز بلیٹن مو رخہ 16 ما رچ 2024

<><><><>

یوہ آکا شوانی جموں بے محمد مبارک ماہر تے عبدالرحمن شاپین تیں خبر سُنو۔ پہلاں
خاص خاص خبر۔

<><><><>

1★ 2024۔ لوک سبھا انتخابات غی تاریخاں غو اعلان کر دتو گیو بے۔ 19 اپریل تیں یہ
انتخابات 7 مرحلاں مانہ کرایا جائیں گا۔ اور ان غا نتیجاں غو اعلان 4 جون نانہ کیو
جائے گو۔ تے جموں کشمیر مانہ لوک سبھا چناؤ 5 مرحلاں مانہ کرایا جائیں گا۔
2★ ۔ وزیر اعظم نریندرمودی نے کہیو بے کہ رشوت خوری غے خلاف لڑائی غے دوران
کسے وی رہنما نانہ بخشیو نہیں جائے گو۔
3★ ۔ کانگریس رہنما رابول گا ندھی غو کہنو بے کہ انتخابی بانڈز سکیم سرکاراں
نانہ بٹان واسطے استعمال ہون آلی اک رشوت خوری غی سکیم بے۔
4★ ۔ لیفٹنٹ گو رنر منوج سنہا نے کہیو بے کہ جموں کشمیر بکھ بکھ شعباں مانہ
تبدیلی غے دوران متاثر کن رفتار سنگ بدھ ریو بے۔

<><><><>

خبراں غی تفصیل نال پہلاں عبدالرحمن شاپین۔

Election Dates

لوک سبھا چناؤ اگلہ مہینہ غی 19 تا ریخ تیں شروع ہو غے 7 مرحلاں مانہ منعقد
کروایا جائیں گا۔ تے ان غا نتائج بارے ووٹاں غی گنتی اسے سال 4 جون نانہ کرائی
جائے گی ۔ جموں کشمیر مانہ لوک سبھا چناؤ 5 مرحلاں مانہ کروایا جائیں گا۔ پہلا
مرحلہ غے تحت 19 اپریل نانہ ووٹ کہلیا جائیں گا۔ انتخابات غو دوجو مرحلو ات 26
اپریل نانہ وے گو۔ تیجا مرحلہ غے تحت 7 مئی نانہ ووٹ پایا جائیں گا۔ چوتھا
مرحلہ غی ووٹینگ 20 مئی نانہ کروایا جائیں گا۔ چیف انتخابی کمشنر راجیو کمار نے

لوک سبھا چناؤ تے کُجھ ربا ستاں غا اسمبلی انتخابات با رے شیڈیول غو اعلان کرتاں واں کہیو ہے جے بھارتیہ جمہو ریت غا سب تیں بڑا تہوار واسطے بھارتیہ انتخابی کمیشن پوری طرح تیار ہے۔ اُنہاں نے کہیو ہے جے مُلک مانہہ 97 کروڑ رجیسٹرڈ ووٹر ہیں۔ جن مانہہ 49 کروڑ 70 لکھ خواتین ووٹر ہیں۔ ڈھیڑ کروڑ افراد کوئی ساڈہ 10 لکھ تیں متا پولینگ سٹیشن غا کم کاج نانہہ سنبھالیں گا اعلیٰ چناؤ کمشنر راجیو کمار نے مزید دسیو جے اس چناؤ مانہہ 1 کروڑ 82 لکھ نواں ووٹر پہلی بار اپنا ووٹ گو استعمال کریں گا۔ اُنہاں نے یوہ وی دسیو جے 85 بہراں تیں اُپر غا تے تے معزور افراد رائے دہندگان واسطے کہر تیں ہی ووٹ کہن نانہہ یقینی بنایو جائے گو۔ واضع رہ جے موجو دہ لوک سبھا غی مدت اس سال 16 جون نانہہ ختم ہو رہی ہے۔

<><><><>

PM Congress

وزیر اعظم نریندر مودی نے کہیو ہے کہ بدعنوانی غے خلاف اُن غی لڑائی مانہہ کسے وی بدعنوان لیڈر نانہہ نہیں بخشیو جائے گو۔ اور مزید کہیو کہ خاندانی پارٹی اقربا پروری بدعنوانی تے خوشامد غی سانجھی تاریخ رکھیں۔ یاہ گل اُن نے اج تلنگانہ غا ناگر کرنول پرجا سنکلپ سبھا مانہہ اک عوامی اجلاس سنگ خطاب کرتاں واں کہی۔ وزیر اعظم نے بی آر ایس تے کانگریس ور تنقید کرتاں واں کہیو کہ خاندانی مرکزی جماعتاں نے ماضی مانہہ مُلک نانہہ برباد کر دتو ہے۔ وزیر اعظم نے لوکاں نانہہ کہیو کہ تھارا تمام وعداں نانہہ پورو کیو جائے گو جس طرح جموں کشمیر مانہہ دفعہ 370 غا بٹان با رے واعدو یاہ رام مند غی تعمیر غو وعدو اسے طرح دوجا تمام وعدہ وی پورا کیا جائیں گا۔ وزیر اعظم نے لوکاں نانہہ کہیو کہ وے اُنہاں نانہہ تلنگانہ تیں 2 بندساں مانہہ لوک سبھا غی نشست دیں تا نچے وے بغیر کسے تا خیر غے لوکاں غا مسئلہ حل کر سکیں۔

<><><><>

Congress Rahul

کانگریس رہنما راہل گاندھی نے اج ہی جے پی غی زیر قیادت مرکزی سرکار ور اپنو حملو تیز کر دتو ہے۔ کیونجے اُنہاں نے انتخابی بانڈ سکیم نانہہ سرکاراں نانہہ بٹان تے سیاسی جماعتاں نانہہ توڑن بارے استعمال ہون آلی رشوت خوری قرار

دتو ہے۔ یاہ گل اُن نے مہاراشٹر غا تھا نے مانہہ جمبہلی ناکہ ور اپنی بھارت جوڑو نیا یا ترا غے دوران خطاب کرتاں واں کہی۔ کا نگریس رہنما رابل گاندھی نے الزام لاتاں واں کہیو کہ انتخابی بانڈ اسکیم اک عالمی سطح غو رشوت خوری ریکٹ ہے۔ اور جھیڑا لوک اس غے خلاف احتجاج کریں ای ڈی، سی بی آئی، تے انم ٹیکس محکمو اُن غے پیچھے چلیو جائے رابل گاندھی نے کہیو کہ پسماندہ برادریاں، دلیتاں، آدیوسیاں، اقلیتاں تے عام زمرہ سنگ تعلق رکھن آلہ غریب آبا دی غو حصو 80 فیصد تیں متو ہے۔ پر سرکاری تے نجی شعباں مانہہ اعلیٰ سطح ور اُن غی نمائندگی بہت کہٹ ہے۔

<><><><>

Prasar Bharati

سابقہ آئی اے ایس افسر نونیت کمار سہگل نے پر سار بھارتی غا نواں چئیرمین غے طور ور چارج سنبھال لیو ہے۔ جناب سہگل اُترپردیش کیڈر غا 1988 بیچ غا ریٹائرڈ بیورو کریٹ ہیں۔ جنہاں نے اے سوریاپرکاش غی جگہ لی ہے۔ جنہاں غی 2020 مانہہ بطور چئیرمین مُدتِ معینہ مکمل ہو گئی تھی۔ واضع رہ جے نائب صدرِ جمہوریہ جگدیپدھنکڑ غی سربراہی آلی پر سار بھارتی غا چئیرمین بارے منتخب کمیٹی غی طرفوں اُن غا ناں نانہہ منظور کرن توں بعد صدرِ جمہوریہ درپدی مُرمو نے اُن غی تقرری کی ہے۔

<><><><>

SVEEP Reasi

ضلع انتظامیہ ریاسی غی طرفوں اج رافٹینگ تقریب شروع کی گئی ہے۔ جس غو مقصد منظم ووٹرز بیداری تے الکیٹول شمولیت یعنی سویپ منصوبہ غے تحت آتا لوک سبھا انتخابات مانہہ نوجواناں غا جوابدہی رویہ وجذبہ نانہہ سامنے آئیو جا سکے۔ ضلع چناؤ افسر ریاسی وشیش مہاجن نے رافٹراں غے برماہ اس تقریب غے دوران بہت سارہ علاقاں غو دورو کیو۔ تے رستہ مانہہ لوکاں غی حوصلہ افزائی کرتاں واں بالخصوص نوجواناں نانہہ اپنو ووٹ کہلن با رے حوصلہ افزائی کی گئی۔ آکا شوانی غا نامہ نگار سنگ بات چیت کرتاں واں جناب وشیش مہاجن نے اس با رے اس طرح دسیو۔۔۔ بائیٹ۔۔

<><><><>

Udhmapur NYK

نہر ویوہ کیندر اُدھم پور غی طرفوں گو رنمنٹ زنانہ کالج غی این ایس ایس یونٹ
غا اشتراق سنگ اچ نشہ مُکت بھارت غا عنوان سنگ گمانڈی نوجوان پا رلیمنٹ غو
انعقاد کیو گیو۔ آئی اے ایس ڈپٹی کمشنر سلونی رائے نے اس تقریب غی سرپرستی
کی تے نواں ووٹراں ور زور دتو۔ جے وے ووٹر فہرستان مانہہ اپنا نایاں غو اندراج
کراویں تے دوجاں نانہہ وی اس گل ور راغب کریں جے وے چناوی عمل مانہہ لا
زمی شرکت کریں۔ آکا شوانی غا نامہ نگار سنگ بات چیت کرتاں واں ڈپٹی کمشنر
اُدھم پور تے طالب علماں نے اپنا تاثرات گُجھ اس طرح دتا۔۔۔بائیٹ۔

<><><><>

یہ خبر تم آکا شوانی جموں تیں سُن رپیا بیں خبراں گا باقی حصہ نال محمد مبارک
ماہر۔

LG JK

لیفٹنٹ گورنر منوج سنہا نے کہیو بے کہ جموں کشمیر متاثر کُن رفتار سنگ بدھ ریو
بے۔ یاہ گل اُن نے اچ نویں دہلی مانہہ شری رام کالج آف کامرس غے زیر اہتمام بزنس
کنکلیو 2024 سنگ خطاب غے دوران کہی۔ اُن نے کہیو کہ دفعہ 370 غی منسوخی
تیں بعد جموں کشمیر غا لوکاں غی اُمیداں غی تکمیل واسطے جامع تے تیز رفتار
ترقی بارے اہداف غا حصول غا سلسلہ مانہہ تبدیلی غا سفر ور گامزاً بے۔ اُن نے کہیو
کہ جامع ترقی آلے پاسے انتظامیہ غا عزم سنگ محروم طبقات، نوجواناں، خواتین تے
کساناں نانہہ اُن غی حقیقی صلاحیتاں نانہہ اُبھارن واسطے قابلِ عمل ماحول پیدا بوؤ
بے۔

<><><><>

CDS

دفاعی عملہ غا سربراہ جنرل انیل چوبان نے اچ کہیو بے جے پاکستان مانہہ اک طرح
غو اقتصادی بحران بے۔ مگر عسکری طور ور اُت غی صلاحیتاں تے فوجی دستاں
نانہہ اچ وی مہارے واسطے للکار ہی سمجھیو جانو چاہیے۔ نوی دہلی مانہہ اک کنکلیو
غے دوران قومی حفاظتی نظریو تے بھارتیہ فوج غے باندے للکار غو موضوع ور بات
چیت کرتاں واں جنرل چوبان نے کہیو جے بھارت کول اپنی سرحداں غی حفاظت با

رے ذرائع ہیں۔ تے بالخصوص شمال مانہہ متنازعہ سرحدوں ورم پوری طرح چکنا باں۔ 21 ویں صدی مانہہ بھارت غے سامنے للکاراں جیسا جڑتا معاملات با رے سوالوں غو جواب دیتاں واں اُنہاں نے کہیو جے سب تیں بڑی للکار بیرونی ہی بے تے مُلک کسے وی للکار سنگ نمٹن با رے پوری طرح متحد بے۔ اُنہاں نے کہیو جے بھارت غا دو بڑوسی ہیں۔ جھیڑا دوئے مخالفانہ ہیں مگر بھارتیہ فوج اس قسم غی للکاراں سنگ نمٹنو جانے۔

<><><><>

Peoples League

مرکزی سرکار نے سخت انسدادِ دہشت گردی قوانین غے تحت اج جموں کشمیر پیپلز فریڈم لیگ تے علیحدگی پسند جماعت حریت کا نفرنس سنگ وابستہ جموں کشمیر پیپلز لیگ غا تمام دھڑاں وروپابندی عائد کر دتی بے۔ اس تیں علا وہ جموں کشمیر لیبریشن فرنٹ جے کے ایل ایف وروئی 5 بہراں واسطے پابندی لائی گئی بے۔ مذکورہ تنظیم غی قیاد دہشت گردی معاملہ مانہہ قید ملزم یا سین ملک کر رہیو بے۔ اندرونی معاملات غا مرکزی وزیر امت شاہ نے سماجی رابطہ غی ویب سائٹ ایکس وراس فیصلہ با رے اعلان کرتاں واں کہیو بے کہ مودی سرکار دہشت گردی غی سرگرمیاں مانہہ ملوث افراد تے تنظیمانہہ غیر فعال کرن با رے اعدا و کرے گی۔ اُن نے کہیو کہ یہ تنظیم جموں کشمیر مانہہ دہشت گرد نانہہ ہوا دین اور علیحدگی پسندی نانہہ بابدو دین مانہہ ملوث تھیں۔ اُن نے کہیو کہ سرکار دہشت گردی نانہہ نانہہ بے دردی نال دبان واسطے پُر عزم بے۔

<><><><>

Intruder

عہدیداراں غو کہنو بے جے 34 بہراں غا اک پاکستانی در انداز نانہہ ضلع راجو ری مانہہ کنٹرول لائین وروں گرفتار کیو گیو بے۔ عہدیداراں غے مطابق پاکستانی مقبوضہ کشمیر غا گراں شمائی غا ربن آلا شخص محمد ندیم نانہہ نو شہرہ سیکٹر مانہہ اُس ویلے چکنا فوجی دستاں نے پکڑ لیو۔ جد وہ کل شام نانہہ سرحد پارتیں اس پاسے چلتو آریوتھو۔ اک مختصر جیو پچھو کرن توں بعد فوجی دستاں نے اس نانہہ گرفتار

کر لیو۔ عہدیداراں غو کہنو ہے جے اس پا سے در اندازی کرن غے پچھے اُس غا ارادہ
نانہ جانن با رے ندیم تیں پو چھ تاجھ جاری ہے۔

<><><><>

Kishtwar Tourism

ضلع انتظامیہ کشتواڑ نے محکمہ روز گار غا تعاون نال سیا حتی کا رگزاراں، گھر
مانہ رکھن آ لا مالکاں تے سیاحت غا شعبہ مانہ بُنر سیکھن غا خواہشمند سیا
حتی کا روبریاں واسطے ”اوسر“ سکیم غے تحت ایک ہفتہ غا ایکسپورز ٹور غو
اہتمام کیو ہے۔ ضلع کشتواڑ غی روز گار افسر ممتا سودرشن نے دسی ہے اس پہل
غو مقصد مہمان نوازی غا شعبہ سنگ وابستہ افراد نانہ سیاحتی نیٹ ورکنگ غا
شعبہ نانہ بابدو دینو ہے۔ اس سلسلہ مانہ مہارا نامہ نگار سنگ گل کرتاں واں اُن
نے اس طرح کہیو۔۔۔ بائیٹ۔۔۔

<><><><>

Dairy Automatic

ڈیری کھیتی باڑی طریقاں نانہ بدھان غا مقصد غے نال محکمہ مال چوکھر رام بن
نے ذراعت با رے مجموعی ترقی پروگرام ایچ اے ڈی پی غے تحت ضلع مانہ دو
جدید ترین ڈیری خود کار اجتماع آکائی اے ایم سی یو غی نقاب کشائی کی ہے۔ ضلع
رام بن غا آکا شوانی نامہ نگار سنگ گل کرتاں واں مال چوکھر محکمہ غا اعلیٰ افسر
ڈاکٹر سوہل کاوسہ نے اس طرح کہیو۔۔۔ بائیٹ۔۔۔

<><><><><><><><>

اس غے نال ہی خبراں غو یوہ بلیٹن ختم ہوؤ۔